


YAKUBU



The story of the prophet Jacob
as recorded in the holy Torah, the book of Moses.

Yakubu tana Labā kīnaa

Akū Isaaku Yakubu sisi à sa'ole kène à yā dāne à pì: Ìsun no sé Kanaa nɔgběno téro. Ì fute ò gé Mesopotamia busun n da de Betueli bea, ò no sé gwe n disē Labā nēno té. Luda Gbānasīndapinkide arubarika dangu à tó ò né i manamana, ògō kara de ò gō burino dizi ũ. Luda arubarika kū à dà Ibrahīn dangu kū n burino, de busu kū nten nibo blen gōnne, busu kū à kpà Ibrahīaa. Akū Isaaku Yakubu gbàre à gé Labā kīnaa Mesopotamia busun. Labā bi Siria busu gbē Betueli néme, Yakubu kū Isauo disēme.

Isau mà Isaaku sa'ole kè Yakubune à a gbàre Mesopotamia de à no sé gwe. Kū à sa'ole pìi kène, à pì àsun no sé Kanaa nɔgběno téro. À tàasii kà kū Yakubu a de kū a dao yā mà à dà Mesopotamia zén. Akū à dō sà kū a de pɔ nna kū Kanaano busu nɔgběno. Akū à gèe Ibrahī né Sumaila kīnaa à a né Maala sè à nà a no káakunɔa. Maala bi Nebayo dāreme.

Yakubu nana'ona Beteli

Yakubu bò Beseba à dà Arana zén. Kū à kà gukea, à ye à i gwe kū ifāntē gē kpén yāi. Akū à gbèe sè gu pìn a mīdibo ũ à wùte gwe. Akū à nana ò à gára è petena zīte ari à gèe à zō ludambea, Luda malaikanɔ ten didia òten kipa. À Dikiri è zenaala à pì: Makūme Dikiri n dizi Ibrahī kū n de Isaakuoo Luda ũ. Mani busu kū í wútea díkīna kpámma, mōkōn kū n burino. N burino nigō dasi lán būsutiti bà, oni dagula ifāboki kpa kū ifāleteo kū gugbānduru kū gènomidokio. Andunia buri sīnda pínki ni arubarika le mōkōn kū n burio gāi. Manigō kú

kūnwō, manigō n dākpā gu kū nten gén pínki, mani era mà su kūnwō bùsu díkīnan, zaakū mani n tónlo mani yā kū ma ònne ke.

Kū Yakubu vù kū io à pì: Dikiri kú gu dí, akū mádi dōro! Vīna a kù à pì: Gu dí ma kā fùte. Luda beme, ludambe zéme.

Yakubu fùte kōnko à gbè kū à kè mìdibō ũ pìi sè à pète dōngupō ũ, akū à nīsi kù. Akū à tó kpà gu pīine Beteli, ama wēte kū ò kàte gwe tó káakun Luzu. Yakubu lé kè Dikiria à pì: Tó n kú kūmao, tó ĩni ma dākpā ma wēte díkīna genaa gūn, tó ĩni ma gba póbale kū pókasanō ari ma ge ma su ma de bea aafia, ĩnigō de ma Luda ũ, gbè kū ma pète dōngupō ũ pì ni gō n gbagbaki ũ, pó kū n ma gba pínki mani a kuride kpámma.

Yakubu kana Labā bea

Yakubu èra à dà zén à gèe ifābokikpadenō bùsun. Kū à kà gwe, à lògō è sēn sā kpàsa leu aakō katena a sare, zaakū lògō pì ín òdi kpámma. Gbè zōkō ta lògō pìle. Tó kpàsaa pìnō kākara gwe pínki, akū òdi gbèe pì go lògō pì léa, ò í kpámma, akū òdi era ò gbèe pì tare a gbèn. Akū Yakubu sādārinō là à pì: Gbēnō, a bo māmē? Ò wèa ò pì: O bo Araname. Akū à n lá à pì: Á Nao daikore Labā dō yá? Ò wèa ò pì: Ó a dō. Akū à n lá à pì: À aafia yá? Ò pì: À aafia. Ñ a né Rahila gwa, àten su kū sānō zā dire. Akū Yakubu pì: Ifāntē kpé gbāna, sānō tágōrō dí ká kōro. À í kpámma à gé n dā. Akū ò pì: Óni fōro. Tó adi ke sā kpāsano kākara pínki baasiro, òdi gbè go lògō pì léa ò í kpámmaro.

Kū àten yā óñne le, Rahila sù kū a de sānō, zaakū sādāriime a ũ. Kū Yakubu a disē Labā nēnōgbē Rahila è kū a de sānō, à nà lògōi à gbèe gò lògō pì léa, akū à í kpà a disē sānōa. Akū à

lé pè Rahilaa à ponna ɔ̀w d̀ò. Akũ à ònɛ kũ a de danɛ Rebeka nén a ù. Akũ Rahila bàa lè à gèɛ à ò a denɛ. Kũ Labã a dǎre né Yakubu baaruu mà, à bàa lè à gèɛ daale. Kũ à kà, akũ à kùsia à lé pèa à tà kãao a bea. Akũ Yakubu yã kũ ò kènɔ̀ ònɛ pínki. Akũ Labã pìnɛ: Ma arumɛ n ù yãpura.

Yakubu Lea kũ Rahilao senaa

Yakubu kè Labã bea mɔ̀ do, akũ Labã pìnɛ: Kũ ní de ma danɛ ù yãin ìni zĩ kemene pǎ yá? Dera mani fĩna bonne nà ò omene. Labã s̃s̃ à nénɔ̀gbẽnɔ̀ vĩ gbẽnɔ̀n pla. Ỹɔ̀w tón Lea, Bãna s̃s̃ Rahila. Lea wé busana, Rahila s̃s̃ nɔ̀kpare manamɛ, akũ a kakana mana. Yakubu ye Rahilai, akũ à pì Labãne: Mani zĩ kenne wè suppla n né bãnade Rahila yãi. Labã pì: À sǎna mà a kpámma de mà a kpá gbẽ pãndeala. Ñg̃s̃ kú ma bea la.

Akũ Yakubu zĩ kènɛ wè suppla Rahila yãi, ase à kènɛ lán ɔ̀wɔ̀w pla bàme kũ à yei yãi. Akũ à pì Labãne: Kũ ma zĩɔ̀wɔ̀w pàpa, ò ma nɔ̀ kpáma mà sé. Akũ Labã gwedenɔ̀ kàkara ní pínki à nɔ̀sepɔ̀ble kènnɛ. Kũ ɔ̀kɔ̀si kè, akũ à a né Lea sè à kpàa, akũ Yakubu wùte kãao. Labã a nɔ̀gbẽ zĩkeri Zilipa kpà Leane zĩkeri ù. Kũ gu d̀ò Yakubu è Leame, akũ à pì Labãne: Bóyãi n kèmene læɛ? Rahila yãin ma zĩ kènneroo? Bó mé à tò n ma kɛkɛɛ? Labã pì: Ó kĩnaa òdi Bãna kpá g̃s̃a Ỹɔ̀w ãro. Ñ azuma do kɛ kũ gbẽ dio g̃s̃a, mani a gbẽndo kpámma zĩ kũ ìni era ò kemene wè suppla pãnde pó ù. Yakubu wè à azuma do pìi kè kũ Leao, akũ Labã a né Rahila kpàa nɔ̀ ù. Labã a nɔ̀gbẽ zĩkeri Bila kpà Rahilaa zĩkeri ù. Yakubu wùte kũ Rahilao s̃s̃, akũ à yei de Leala. Akũ à èra à zĩ kè Labãne ari wè suppla do.

Yakubu néno

Dikiri è Yakubu ye Leairo, akū à a kè nérande ũ, Rahila sō paramε. Lea nòɔ sɪ à né ì gōgbē ũ, akū à tó kpàne Rubeni, zaakū à pì: Dikiri ma warikēnaa gwà. Ma zā nigō yemai sà. Kū à nòɔ sɪ dɔ, à né ì gōgbē ũ, akū à pì: Dikiri mà ma zā yemairo, akū à èra à né díkīna kpàma dɔ. Akū à tó kpàne Simεɔ. Kū à èra à nòɔ sɪ dɔ, à né ì gōgbē ũ à pì: Adikīna sà ma zā ni ma diteki ero, zaakū ma négōgbē ì kāao mèn aakō. Akū à tó kpàne Levi. À èra à nòɔ sɪ dɔ à né ì gōgbē ũ à pì: Adikīna sà ma Dikiri sáabu kpà, akū à tó kpàne Yuda. Akū a né'i zè.

Kū Rahila è áten né i kū Yakubuoro, à gōba kpà kū a vīnio. Akū à pì Yakubunε: N̄ nò dɔmagu. Tó mádi e sōro, mani game. Yakubu pɔ fēi à pì: Makūme Luda ũ kū à n tē né yá? Akū Rahila pì: Ma zīkeri Bilan dí. N̄ gé i kāao à néno imenε, mani buri le se a gāi. Akū à a zīkeri Bila kpàa nɔ ũ. Yakubu wùte kāao, akū à nòɔ sɪ à né ì gōgbē ũ. Akū Rahila pì: Luda tò yā bò kūmao nna à ma yā mà à ma gba négōgbē. Akū à tó kpàne Dā. Rahila zīkerii pì èra à nòɔ sɪ à né ì gōgbē ũ dɔ, akū Rahila pì: Ma ɔsi zōkōɔ kà kū ma vīnio ma ɔsi nè. Akū à tó kpàne Nafatali.

Kū Lea è a né'i zè, akū à a zīkeri Zilipa kpà Yakubua nɔ ũ dɔ. Akū Lea zīkerii pì né ì gōgbē ũ kū Yakubuo. Akū Lea pì: Mìnname. Akū à tó kpàne Gada. Akū Lea zīkerii pì né ì gōgbē ũ dɔ kū Yakubuo. Akū Lea pì: Ma pɔ kè nna, zaakū nɔgbēno ni pì pɔnnaden ma ũ. Akū à tó kpàne Asa.

Rubeni bò ésekēgɔɔɔa à yenyĩ eze è sēn, akū à bòbo à sùo a da Leanε. Akū Rahila pìnε: N̄ n né yenyĩ eze pì dāmenε. Lea pìnε: Kū n ma gō sīma, abire dí mómmaro, akū ní ye n̄ ma né

enyĩ eze sí dɔ yá? Rahila pì: Tó n kpàma, m̀kɔ́mm̃ ĩni i kãao gb̃ara.

Kũ Yakubu ten su kũ burao ɔkɔsi, Lea b̀ò à g̃e à dàale à pì: Makũme mani wute kũnwo gb̃ara, zaakũ ma n sãkã ma né enyĩ eze yãime. Akũ à ì kãao gwãani birea. Luda Lea wéke sì, akũ à ǹò sì à Sãani ì kũ Yakubuo. Akũ Lea pì: Luda láada kpàma, kũ ma a zĩkerii kpà ma zãa yãĩ. Akũ à tó kpàne Isaka. Lea era à ǹò sì dɔ à Tori ì, akũ à pì: Luda gba mana dàmene. Adikĩna sà ma zã ni ma kpe ta, zaakũ ma négɔgbẽnɔ ì kãao mèn suddo. Akũ à tó kpàne Zebuluni. Kũ à kè saa à nénɔgbẽ ì, akũ à tó kpàne Dina.

Akũ Rahila yã d̀ò Ludan à a wéke sì, akũ à kè nérande ũ. À ǹò sì à négɔgbẽ ì, akũ à pì: Luda wé'i b̀òmene. Akũ à tó kpàne Yusufu à pì: Dikiri era à négɔgbẽ pãnde karamene dɔ.

Yakubu pónɔ dãna Labãne

Kũ Rahila Yusufu ì, Yakubu pì Labãne: Ñ ma gbare mà tá ma b̀usun. Ma zĩ kènne ma nɔnɔ kũ ma nénɔ yãĩ. Ñ ní kpàma mà tá, zaakũ ní d̃s lákũ ma zĩ kènne nà. Akũ Labã pìne: Tó ma n pɔnna lè, ñ g̃s kũmao la. Ma màsoo kè ma è Dikiri arubarikaa kèmagu n yãĩ. Ñ n làada omene, mani kpámma. Yakubu pìne: Ñ d̃s lákũ ma zĩ kènne nà. Ñ d̃s lákũ n pókãdenɔ kè ma ɔĩ nà, zaakũ a fíti kũ ní vĩ zaade mádi suro kàra manamana. Dikiri arubarikaa dàngu gu kũ ma gen n bea pínki. B̀oren mani ma zĩda be zĩ ke s̃ɔ? Labã à là à pì: B̀ón mani fĩna boonne? Yakubu wèa à pì: Ñsun póke kpámaro, ama ñ yã dí kemene, manig̃ n pónɔ dãnne. Ñ tó mà g̃e n pónɔ té gb̃ara mà sã bakibakinɔ kũ a totontotonno pleple ma làada ũ kũ sãne b̀orɔ siranɔ kũ blè bakibakinɔ kũ a totontotonno. Tó n ma

làadaa gwà gena gɔɔ are, ìni dɔ́ tó má yāpura vī. Blè kũ à kun bakibakiro akũ à totontotonlo, ke sãne bɔɔ kũ à siraro, ěhẽ ma kpāni òme. Labā pì: Tò! Àgɔ́ de lákũ n ò nà. Zĩ kũa Labā a blèkofini bakibakinɔ sè kũ a wānzāndenɔ kũ blèda totontotonno kũ a bakibakinɔ, pɔ́ kũ ò pura vīno pínki kũ sãne bɔɔ sirano pínki, à n ná a nэгɔ́gbēnoe n ɔ́. Akũ à zàaa bò n dagura kũ Yakubuo lán gɔɔ aakɔ́ tá bà, akũ Yakubu ten Labā ɔ́ kparano dā.

Yakubu lí buri aakɔ́ gā́ búsuno zǝzǝ à n wānzān kpàkpa à n wānzān kè púu. Akũ à lí kũ à n wānzān kèaa pìno pètepete póno gó ímibɔɔ gūn, pɔ́ kũ òten su í mino wén, zaakũ gwen òdi kpàkpa on. Tó ò kpàkpa ò lí pìno sare, akũ òdigɔ́ né wānzāndenɔ i kũ a totontotonno kũ a bakibakinɔ. Yakubu dì póno pìno pleple adona àdi a wānzāndenɔ kũ a sirano ká Labā póno gūn. Leme à a zĩda kpàsaa bò le, adi ká Labā póno gūnlo. Tó pɔ́buri manano fùte kũ kpàkpa'onaa, Yakubu dì lí pìno pètepete póno are gó ímibɔɔ pìno gūn, de ò kpàkpa o n sare. Tó ɔ́ ginano sɔ́, àdi lí pètepeteínero. Len ɔ́ ginano gǝ́ Labā pɔ́ ũ le, akũ pɔ́buri manano gǝ́ Yakubu pɔ́ ũ. Akũ Yakubu aruzeke òdigɔ́ kara manamana, a póno dasi kũ kũ nogbē zĩkerino kũ gɔ́gbē zĩkerino kũ lakumino kũ zaakinɔ.

Yakubu bàasina Labāne

Yakubu yā kũ Labā néno ten o mà kũ ò pì: Yakubu ó de póno sia pínki. Ó de aruzeke gūnn à karanaa lèn. Yakubu dǝ́ Labā wéa, kũ a yā kú a nèsen lán yā bà doro. Akũ Dikiri pìne: N era n tá n dizi busun n daneno bea, manigɔ́ kú kūnwo. Akũ Yakubu Rahila kũ Leao sisi ò mó a póno kīnaa sèn. À pìíne: Ma dǝ́ á de wéa kũ ma yā kú a nèsen lán yā bà doro. Bee kũ

abireo ma de Luda kú kũmao. Á dõ á zĩdane kũ ma zĩ kè á dene ma gbãna lémmɛ. Á de ɔ̃ndõ kèmenɛ, à ma làadaa lĩte gè̃n kuri, akũ Luda dí tó à yãke kèmenɛro. Tó à pì sã bakibakinɔmɛ ma baka ù, sãno ðĩgõ né bakibakinɔ i. Tó à pì a wãnzãndenɔmɛ ma baka ù, sãno ðĩgõ né wãnzãndenɔ i. Luda á de sãno sia à kpàma.

Gɔɔ kũ blènɔ ten kpákpa o, ma nana ò, akũ nana gũn ma è blèkofĩni kũ òten kpákpa onɔ bi blè wãnzãndenɔmɛ kũ a bakibakinɔ kũ a totontotonno. Akũ Luda Malaikaa pĩmenɛ nana pìi gũn: Yakubu! Akũ ma wea ma pì: Makũ di! À pì: Ñ wé sé ñ gwa. Blèkofĩni kũ òten kpákpa onɔ pínki blè wãnzãndenɔmɛ kũ a bakibakinɔ kũ a totontotonno, zaakũ ma yã kũ Labã kènne è pínki. Makũmɛ Luda kũ à bò à sùnyĩ Beteli ù, gu kũ n gbèè pèten n nĩsi kùà n lé kèma. Tera sà ñ fute ñ bo bùsu dín ñ tá n bùsun. Akũ Rahila kũ Leao pìnɛ: Ó túbi vĩ ó de bea do yá? Adi ó dite gbè zĩtonɔ ùnloo? A ó yíamma, akũ à a ɔɔ blè pínki. Aruzeke kũ Luda sì ó dea gǝ ó pó ù pínkime kũ ó néno. Ñ yã kũ Luda ònne ke pínki sà.

Akũ Yakubu fùte à a néno kũ a nɔno dì lakuminɔ kpɛ. À a pókãdenɔ kũ aruzeke kũ à lè Mesopotamiano sète pínki, akũ à dà zén àten tá a de kĩnaa Kanaanɔ bùsun. Kũ Labã gèè a sãno kã zõzõ, akũ Rahila a tãnanɔ sè kpãni a kpɛ. Yakubu sã à ɔ̃ndõ kè Siria buri Labãne adi lé zaaro. À fùte à bàà lè kũ a pónɔ pínki à bikũ Yuflatia, akũ à mìi pè Giliada gusĩsĩdea.

Labã petena Yakubui

A gɔɔ aakõde zĩ ò pì Labãne Yakubu bàà lè. À a gbèno kàkara, akũ à pètei. À táa ò gɔɔ suppla, akũ à a lè Giliada

gusĩsĩden. Akũ Luda bò à sùà gwāani nana gũn à pìnɛ: Ñ laakari ke yā kũ ĩni o Yakubunei a mana ke a vāni.

Labā Yakubu bùra lè katena Giliada gusĩsĩden, akũ à bùra kàte gwe kũ a gbēnɔ se. Akũ Labā gèè à pì Yakubune: Bóyāi n ɔ̀ndɔ̀ kèmenɛ n ma néno sète n ta kũńwo lán zìzɔnɔ bàà? Bóyāi n ɔ̀ndɔ̀ kèmenɛ n woto kpāni ndi lé zamaro, de ma ge zenne kũ pɔnnakenaao kũ lèsinaao kũ gāgāao kũ mɔrɔɔ. Ndi tó ma lé zà ma néno kũ ma daikorenɔaro. N yōnkoyā kè. Ma gbāna kà mà yā vāni keáre, akũ n de Luda yā òmenɛ gwāani à pì mà laakari ke yā kũ mani onnei a mana ke a vāni. Nten tá sà, kũ nteni n de be begɛ ke yāi. À kè dera n ma tǎnanɔ sè kpānii? Yakubu wèa à pì: Ma vīna kè, maten da ĩni n néno símame. Gbē kũ n n tǎnanɔ lè a kīnaa, ò a de. Ñ ma pónɔ gwagwa ó gbēnɔ wára. Tó n n pó lè, ñ sé. Yakubu sɔ, à dɔ kũ Rahila Labā pó sè kpāniro. Labā gèè Yakubu bizakutan à gèè Lea kutan à gèè nɔgbē zĩkeri mèn pla pìnɔ kutan, adi póke lero. Kũ à bò Lea kutan, à gèè Rahila kutan. Rahila tǎna pìnɔ sè à ùte lakumi gàarii gūmme, akũ à vùtea. Labā a kuta gũn gwàgwa pínki, adi póke lero. Rahila pì a dene: Baa, ñsun pɔ fěmairo, zaakũ mádi le mà futero kũ má ɔ kũna yāi. Leme Labā a tǎnanɔ wète le adi lero. Akũ Yakubu pɔ pà à léfɔtɔ kà Labāi à pì: Bó dàan ma kèè? Bó durunnan ma kè akũ n petemai wānawāna lán dí bàà? Kũ n ma pónɔ gwàgwa pínki, n n be pónɔ lè gwe yá? Ñ boo gupuraa ma gbēnɔ kũ n gbēnɔ wára, ò yā nna kpá gbē kũ a yā nnaa. Ma ke n be wèè baro. N sǎnɔ kũ n blènɔ dí nò bɔtero, mádi n sǎ ke sóro. Mádi sunne kũ pó kũ nòbɔ pāsīnɔ kù keoro, madì a fīna bonne ma zīdame. Ndì pó kũ ò a kpāni ò gwāani ke fānantē fīna lama. Ifāntē dì ma le fānantē, ĩa dì ma de

gwāani, madì itē ke. Len ma ke n bea le ari wē baro. Wē gēro donsari ma zī kēne n nēngbē gbēnɔ planɔ yāi. Ma wē suddo kē n kpàsa yā musu. N ma làadaa līte gēn kuri. Tó adi ke ma dizi Ibrahī Luda kū ma de Isaaku a vīna vī zē kūmao baasiro, de n ma gbare ɔkori. Luda zī kū ma kē kū warioo è, akū à kpākēnyī gīa gwāani.

Akū Labā wē Yakubua: Nɔgbē díkīnanɔ bi ma nēnɔmɛ. Né díkīnanɔ sō ma daikorenɔmɛ. Pókāde díkīnanɔ sō ma pókādenɔmɛ. Pó kū n è la pínki ma pómɛ. Bón mani ke ma nēngbēnɔ kū né kū ò ìnɔne gbāraa? N tó ò lédokōnɔ ke àgō de sèeda ũ ó dagura. Akū Yakubu gbēe sè à pète yā pì dɔngupɔ ũ. À pì a gbēnɔne ò gbēnɔ sète, akū ò sète ò didikōa, akū ò pó blè a sare. Akū Labā tó kpà gbèdidikōanaa pīne Yega Saduta. Yakubu tó kpàne Galèdi. Labā pì: Gbèdidikōana díkīname sèeda ũ ó dagura gbāra. Abire yāi ò tó kpàne Galèdi. Òdi pi dɔ Mizipa, zaakū Labā pì: Dikiri ó dākpā ó kēkōanaa gbera de òsun zākōnlo yāi. Tó n wari dò ma nēngbēnɔa ke tó n nɔ pāndenɔ sè dɔ, bee tó ó kú kō kīnaaro, ngō dō sānsān kū Ludan ó yā pīi sèedade ũ. Akū Labā pīne dɔ: N gbèdidikōana díkīna gwa kū gbè kū ma pète ó dagurao. Anigō de sèeda ũ kū mani vīala mà su mà a vāni kennero, mɔkōn sō ĩni vīala n su n a vāni kemenero. Ibrahī kū Naoo kū í deo Ludame ó yākpatekeri ũ.

Akū Yakubu la dà kū Luda kū a de Isaaku a vīna vī tóo. À sa ò gusīsīden gwe, akū à a gbēnɔ sīsì ò pó ble. Kū ò pó blè, akū ò ì gwe. Labā fūte kɔnkɔkɔnkɔ, à lé zà a daikorenɔa kū a nēnɔ à sa mana ònne, akū à èra à tà a bea.

Yakubu gběncō zīna Isaua

Yakubu dà zén, akū Luda malaikanō dàale. Kū à ní é, à pì: Luda bùraan dí. Akū à tó kpà gu pìine Manaimu. À zìrinō zì a are a vīni Isaua Sei bùsu kū ò pi dō Edōmu bùsun. À pì a zìrinōne: À gé à o ma dikiri Isaune a zòbleri Yakubu gōrō pla kè Labā bea àten su sà. À one má zùnō vī kū zaakinō kū sānō kū blènō kū gōgbē zīkerinō kū nōgbē zīkerinō. Makū mé ma á zī à one de ma a ponna le.

Kū zìrinō èra ò sù Yakubu kīnaa, ò pì: O ge n vīni kīnaa, àten su à danle kū gbēncōn wàa planō. Vīna Yakubu kù àten bídi ke manamana, akū à gbē kū ò kú kǎaonō kpàate leu pla kū sānō kū blènō kū zùnō kū lakuminō à pì: Tó Isau sù à sì a leu doa, a leu do kū à gō ni bo. Akū à adua kè à pì: Dikiri, ma dizi Ibrahī kū ma de Isaakuoo Luda, n òmene mà su ma bùsun ma danenō kīnaa, ñni arubarika damagu. N gbēke kū náani yāoo kèmene manamana, ma bèere dí káro. Gōrō kū ma bikū Yodaa, gò mé à na ma ɔ̃i ado. Tera sà ma su kū aruzeke leu pla díkīnanō. Ma wé kemma n ma sí ma vīnia, zaakū maten vīna kene kū ani sí ó té à nōgbēncō kū néncō dede yāi. Mòkōn sō, n pì ñni arubarika damagu ñni ma buri kara lán ísirale bùsu'atē bà oni fō ní naroro ní dasi yāi.

Gwen Yakubu ìn. Pó kū à plèple à a vīni gbanōn dí: Blèda mèn wàa do, a kofīni mèn baro, sàda mèn wàa do, a karo mèn baro, lakumida mèn baraakuri kū ní né bōrōncō, zùda mèn bupla, a sà mèn kuri, zaakida mèn baro, a sà mèn kuri. À ní ná a zīkerinōne ní ɔ̃i buri kū burio, akū à pìíne: Àgō té ma are à kpango da á dagura gǎ kū gǎao. À pì gbē káakune: Tó ma vīni dànle à n la à pì: Díme n dikiri ũu? Nten gé mámee? Dí mé à

pó kũ ntɛn dǎ dínɔ vĩi? Ñ onɛ a zòbleri Yakubu pómɛ, pó kũ à a dikirii gbà à kpàzǎnenɔn gwe, àpii ten su kpɛ. A yǎ dokɔnɔ pìi ò gbɛ pladene kũ gbɛ aakɔ́deo kũ pódǎrinɔ ní pínki à pì: Tó a da Isaule, à onɛ lɛ. À onɛ a zòbleri Yakubu ten su kpɛ. Zaakũ à laasun lè à pì: Mani a laakari kpáte kũ pó kũ ma kpà arɛ dínɔ, óni wé sikɔ́lɛ. Ani gí gbǎnake kpámai sà yá? Gba pínɔ dònɛ arɛ, akũ à gɔ́ bùran gwǎani kùà à ì gwe.

Yakubu ɔsikana kũ Ludao

À fùtɛ gwǎani à a nɔ mèn planɔ sètɛ kũ a nɔgbɛ zĩkeri mèn planɔ kũ a nɛgɔ́gbɛ gbɛnɔn kuri awɛɛdonɔ, akũ à bikũ kũńwo Yaboku bikũkia. Kũ à bikũ kũńwo, akũ à pó kũ à vínɔ sètɛ à bikũo pínki. Yakubu gɔ́ adɔ, akũ gɔ́gbɛ ke sù àtɛn ɔsi ká kǎao ari gu kà dɔna. Kũ gɔ́gbɛ pìi è áni fɔ́ à a néro, à a lè a gisipekɛrɛkia, akũ a gisi bòkũn ɔsikanaa pìi gũn. Gɔ́gbɛ pìi pì: Ñ ma gbare, zaakũ gu ten dɔ. Akũ Yakubu pìnɛ: Tó adi kɛ ñ arubarika damagu baasiro, mani n gbarɛro. Gɔ́gbɛ pì a là à pì: N tón deraa? À wèa à pì: Ma tón Yakubu. Akũ à pì: Oni pinne Yakubu doro, séde Isaraila, zaakũ n ɔsi kà kũ Ludao kũ bisǎsirinɔ, akũ n ɔsi nè. Yakubu pìnɛ: Ñ n tó omene se. A wèa à pì: Bóyǎi nteni ma tó gbekaa? Akũ à arubarikaa dàn gwe. Yakubu tó kpà gu pìine Penieli, zaakũ à pì: O wé sikɔ́lɛ kũ Ludao, akũ mádi garo. À bò Penieli ifǎntɛbona àtɛn tɔ́tɛ a gisi wǎwǎ yǎi. A yǎ mé à tò ari gbǎra Isarailanɔ dì nòbɔ tugisi sóro, kũ Luda Yakubu lè a tugisia yǎi.

Yakubu wésina Isaule

Kũ Yakubu wé sè, à è Isau ten su kũ gbɛnɔn wàa planɔ. À a nénɔ kpàatɛtɛ Leane kũ Rahilao kũ nɔgbɛ zĩkeri mèn planɔ.

Akū à nɔgbě zīkerii pìnɔ gbàrè ò do arɛ kũ ní nénɔ. Abire gbera Lea kũ a nénɔ, akũ Rahila kũ Yusufuo té ní kpɛ. À dònne arɛ à kùtɛ zītɛ gènn suppla ari à gèè à kào a vīni pì kīnaa. Akũ Isau bàa lè à sù à dàalɛ à mlèa à ɔ dà a gān à lé pèa, akũ ò ɔɔ dò. Isau wé sè à nɔgběno è kũ nénɔ, akũ à pì: Dínɔ mé ò kú kũnwo laa? Yakubu wèa à pì: Né kũ Luda ma gbanɔmɛ. Akũ nɔgbě zīkerii pìnɔ nànyī kũ ní nénɔ ò kùtɛ. Akũ Lea kũ a nénɔ nànyī dɔ ò kùtɛ. Abire gbera Yusufu kũ Rahilao nànyī ò kùtɛ. Isau pì: Pó kũ ma dañlɛ dínɔ de deramɛɛ? Yakubu wèa à pì: De mà n pɔnna le yāime. Isau pì: Ma gbě, ma pónɔ mòmá, ògɔ n pónɔ kũna. Akũ Yakubu pì: Oi! N yā nna! Tó ma n pɔnna lè, ò ma gba sí, zaakũ ó wésikōlenaa kèmenɛ lán wésikōlena kũ Ludaoo bàme, akũ n gbānake kpàmai. Ò gba kũ ma suonne sí, zaakũ Luda arubarikaa dàmagu, póke dí kīamaro. Leme à nàkaraa lɛ, akũ à sì.

Akũ Isau pì: Ò da zén ò tá. Mani gé kũnwo. Akũ à wèa à pì: Ma dikiri, ní dɔ kũ nénɔn gbāna vīro, akũ má sã kũ zùne bòrɔnɔ vī. Tó o tá gbāna ò gɔɔ do, pókādenɔ ni gaga pínkime. Ò domene arɛ ma dikiri, makũ n zòbleri manigɔ té pónɔ kpɛ kũ nénɔ busebuse ari mà su mà n le Sei. Isau pì: Mani ma gběkenɔ tó kũnwo. Yakubu pì: À kè dera ñni ke le dɔɔ? Ò tó mà n pɔnna le dikiri. Zī kũan Isau dà Sei zén. Akũ Yakubu gèè Suko. À be bò gwe, akũ à lá kutanɔ dò pónɔne. A yā mé à tò, ò tó kpà gu pìine Suko.

Kũ Yakubu sù kũ Mesopotamiao, à kà wēte kũ òdi pine Sèkemu, Kanaanɔ bùsun aafia, akũ à bùraa kàte wēte pìi sare. À a bùrakūki lù Sèkemu de Amɔ nénɔa andurufu basɔɔro. Gwen à sa'oki bòn, à tó kpàne Luda Isarailanɔ Luda.

Sekemu kusina Dinaa

Lea nénɔgbɛ̃ Dina kũ à ì kũ Yakubuo bò à wé kpáɛ̀ bùsuu pì nɔgbɛ̃nɔi. Kũ bùsuu pì kína Amɔ né Sɛkemu, Ivi buri a è, à a sè kũ gbānao, akũ à wùɛ kāao. A pɔ dɔ nɔkpare pìia à yei, akũ à yā nnanna ònɛ. Akũ Sɛkemu pì a denɛ: N̄ nénɔkpare bire wetemene mà sé. Kũ Yakubu mà ò a nénɔgbɛ̃ kpe bò, a nénɔn kú sɛn kũ a pókādenɔ, akũ à yìɛ ari ò sù. Akũ Sɛkemu de Amɔ gɛ̀ɛ à Yakubu le à yā pì onɛ. Kũ Yakubu nénɔ̀ bò sɛn ò sù, akũ ò yā pìi mà gǝnɔ. N̄ nèsɛɛ yàka ò pɔ fɛ̀ manamana, kũ Sɛkemu wéiyā kè Isarailanɔne yāi, à wùɛ kũ Yakubu nénɔgbɛ̃o à yā kũ à de ò kero kè. Akũ Amɔ pìínɛ: Ma né Sɛkemu pɔ dɔ á nénɔgbɛ̃a. Á yā nna. À a kpáa nɔ ũ. Ò lédokɔ̃nɔ ke ògɔ́ ó nénɔgbɛ̃nɔ kpāzākɔ̃a. Àgɔ́ kú kũoo, ó bùsu kun á pɔ ũmɛ. À vuten àgɔ́ laga tán àgɔ́ zìɛ vī. Akũ Sɛkemu ò Dina de kũ a dāgɔ̃nɔne à pì: À tó mà á pɔnna le. Pɔ́ kũ a pi mà kpááwa mani kpá. À anzureblebo lé damene zɔ̃kɔ́ kũ gbanɔ dasidasi. Pɔ́ kũ a ò mani kpá. À nénɔkpare pì kpáma nɔ ũ.

Akū Yakubu néné wè Sekemu kũ a de Amɔɔa kũ manafikio kũ Sekemu ní dāre kpe bò yāi. Ò pínne: Óni fĩ ò abire kero, óni fĩ ò ó dāre kpá gyɔfɔrɔdearo, zaakũ wé'iyāme ó kīnaa. Óni we á yāiro, séto à gō lán ó bà á gōgbēno t̃t̃ zō ní pínki. Tó a t̃t̃ z̃t̃, óni ó néné kpāzāāwa óni á néné sé no ũ. Ónigō kú k̃āáo, óni gō buri dokōno ũ. Ama tó ádi we ó yāiro, tó ádi t̃t̃ z̃ro, óni ó dāre sé ò tá k̃āome. Yā p̃ii kè Amɔ kũ a né Sekemuone nna. Kefenna p̃i yā p̃ii g̃ōg̃o likalika, kũ Yakubu nénogbē yā kàne yāi. À bèere ṽi deŋla a de bedeno té.

Amo kū a né Sekemuo gèe ní wēte bīnilea, akū ò yā ò kū
wētedeno ò pì: Gbē pìnò yāke vī kūoro. Ò tó ògō kú ó būsun

ògõ laga tá, zaakũ bùsuu pìi yàasa ani mówá. Óni ñ nénɔgbẽnɔ sɛ óni ó nénɔ kpámma. Gbẽ pìnɔ sɔ̃, oni we ògõ kú kũoo de ò gõ buri dokõnɔ ũro, sɛto adi ke ó gõgbẽ sɛnda pínki tɔ̃ z̃ lán ñ bà baasiro. Ñ pókãdenɔ kũ ñ aruzekenɔ kũ ñ zùnɔ pínki ni gõ ó pó ũroo? Ò weñne de ògõ kú kũoo. Wẽtepidenɔ Amɔ kũ a né Sekemuoo yã mà, akũ ñ gõgbẽnɔ tɔ̃ z̃ ñ pínki.

A gɔɔ aakõde zĩ, kũ ò kú kũ wāwāo ò kú kũ yāke laasunnworo, Yakubu né gbẽnɔn planɔ Simeɔ kũ Levio, Dina ṽninɔ, ñ baadi a fẽneda sɛ ò sɛ wẽten ò gõgbẽnɔ dèdɛ ñ pínki. Ò Amɔ kũ a né Sekemuoo dèdɛ, akũ ò Dina sɛ ò bòo Sekemu kpén ò tà kãao. Wẽtedenɔ dedenaa gbera Yakubu nénɔ sù ò wẽte pónɔ nàkõa kũ ò wé'i dà ñ dārea yāi. Ò ñ sãnɔ kũ ñ blènɔ sɛte kũ ñ zùnɔ kũ ñ zaakinɔ, pó kũ ò kú wẽte gũnnɔ kũ pó kũ ò kú ñ buranɔ pínki. Ò ñ aruzekenɔ sɛte pínki kũ ñ nénɔ kũ ñ nɔgbẽnɔ kũ pó kũ ò kú ñ beanɔ pínki.

Akũ Yakubu pì Simeɔne kũ Levio: A sumene kũ yã vānio. Kanaanɔ kũ Perizinɔ kũ bùsu díkĩna buri pāndenɔ nigõ ye ma kãiro. Lákũ ó dasiro nà, tó ò likawái, tó ò siògu, oni ma de kũ ma burinɔ pínki. Akũ ò wèa ò pì: Kũ à ó dāre dɛte karua ũ, abire manan gwe yá?

Luda arubarikadana Yakubugu Beteli

Luda pì Yakubune: Ñ fute ñ tá Beteli ñ vute gwe. Ñ ma gbagbaki bo gwe, zaakũ ma bo ma summa gwe gɔɔ kũ nten bàa lé n ṽnine. Akũ Yakubu pì a ɔndenɔne kũ gbẽ kũ ò kú kãaonɔ ñ pínki: À buri z̃itɔnɔ tãna kũ á ṽinɔ kóte à zú o à á pókasanɔ lilin ke. Óni fute ò tá Beteli. Mani Luda gbagbaki bo gwe, zaakũ à kpàmai ma warikegɔɔ zĩ, àdigõ kú kũmao gu kũ ma gen pínki. Akũ ò buri z̃itɔnɔ tãna kũ ò ṽinɔ kpàa kũ pósã

kū ò danano, akū à pò pìno vî gbiri lí gbáru Sèkemu sare. Kū Yakubu kū a nénò dà zén, Luda tò vîna wête kū ò kú í sareno deno kū manamana, akū í gbêke dí péteńyĩro. Akū Yakubu kū gbê kū ò kú kãaono í pínki kà Luzu kū òdi pi tera Beteli, Kanaano bùsun. À sa'oki bò gwe, akū à tó kpà gu pìine Beteli Luda, zaakū gwen Luda bò à sùan goro kū àten bàà sí a vînine. Debora kū à de Rebeka gwàri ũ yā gā gwe, akū ò a vî gbiri lí gbáru Beteli sare. Akū ò tó kpà lí pìine Ɔɔdɔlii.

Luda bò à sù Yakubua do a suna kū Mesopotamiao gbera, à arubarikaa dàagu à pì: N tón Yakubu, ama oni pinne Yakubu doro, sé Isaraila. Leme à tó kpàne Isaraila le. Luda pìne do: Luda Gbãnasĩndapinkideme ma ũ. Àgõ né i àgõ kara. Buri ni bo n kĩnaa kū buri dasino do, n buri kenò nigõ de kınano ũ. Mani bùsu kū ma kpà Ibrahĩ kū Isaakuooa kpámma kū n burino n ga gbera. Akū Luda fùte à bò gu kū à yā ò kãaon. Yakubu gbèe pète gu kū Luda yā ònen dongupo ũ. À í tòà à nísì kùà. Akū Yakubu tó kpà gu kū Luda yā ònen pìine Beteli.

Rahila kū Isaakuo ganaa

Akū ò fùte Beteli ò dà zén. Kū ò kà kãni kū Eflatao, Rahila né'igoro kà, akū né'i kèa zĩũ. Né'iwāwā a kũ gbãna, akū nɔgbẽ néseterii pìne: Nsun vîna kero, n négõgbẽ ò do. Rahila gbãna vî doro àten ga, akū à tó kpà a né pìine Benoni, akū a de tó kpàne Biliaminu. Kū Rahila gā, ò a vî Eflata kū òdi pi tera Betilihamu zén. Yakubu gbè dongupo pète a miraa. Rahila mira gbèe pì kú gwe ari kū a gbārao.

Isaraila èra à dà zén, akū à bùraa kàte Migidaleda are kpa. Goro kū à kú bùsuu pìn Rubeni gèe à wùte kū Bilao, Yakubu no yìgisaride, akū Yakubu yā pìi mà.

Yakubu négōgbēnɔ̀ ì mèn kuri awɛɛpla. Lea négōgbēnɔ̀n dí: Yakubu daudu Rubeni, Simɔ̀, Levi, Yuda, Isaka kũ Zebulunio. Rahila nénɔ̀n Yusufu kũ Biliaminuo ũ. Rahila zĩkeri Bila nénɔ̀n Dã kũ Nafatalio ũ. Lea zĩkeri Zilipa nénɔ̀n Gada kũ Asao ũ. Négōgbē kũ ò ń í kũ Yakubuo Mesɔ̀pɔ̀tamianɔ̀n gwe.

Akũ Yakubu kà a de Isaaku kĩnaa Mamare. À kú Kiriataba kũ òdi pi tera Eblɔ̀nu sarɛ, gu kũ Ibrahĩ kũ Isaakuo vùten. Isaaku kà wè bakēndo à zĩ kũ yúkuyuku, akũ à gà à kàkara kũ a gbēnɔ̀, akũ a nénɔ̀ Isau kũ Yakubuo a vĩ.

Isau burino

Isau kũ òdi pine dɔ̀ Edɔ̀mu burino yān dí. Isau Kanaa nɔ̀gbēnɔ̀ sè, Iti buri Elɔ̀ni né Ada kũ Ivi buri Ana né Ɔ̀olibama, Zibɛ̃ daikoreo. À Sumaila né Basema, Nɛ̀bayo dāre sè dɔ̀. Ada Elifaza ì kãao, akũ Basema Rueli ì. Ɔ̀olibama Yeusu kũ Yalamuo kũ Korao ì. Isau négōgbē kũ ò ń í Kanaano bùsunnɔ̀n gwe.

Isau a nɔ̀nɔ̀ sètɛ kũ a négōgbēnɔ̀ kũ a nénɔ̀gbēnɔ̀ kũ a bedeno ń pínki kũ a pókādenɔ̀ kũ a aruzɛke kũ à lè Kanaano bùsunno pínki, akũ à gè Seì bùsun, à zã kũ a dakũna Yakubuo, zaakũ ń aruzɛke zõkõ mé à tò oni f̃ ògõ kú kũ kõoro. Bùsu kũ ò kun dí móm̃maro kũ ń pónɔ̀n dasi yāi. Isau vùte Seì gusĩsĩden kũ òdi pi tera Edɔ̀mu.

Isau kũ à de Edɔ̀munɔ̀n dizi káaku ũ burinɔ̀n dí. Isau négōgbēnɔ̀ tón dí: Ada né Elifaza kũ Basema né Ruelio. Elifaza négōgbēnɔ̀n Temana, Omaa, Zefo, Gatamu kũ Kenazio ũ. Elifaza nɔ̀ yìgisarideme Timina ũ. Àkũ mé à Amaleki ì kãao. Isau nɔ̀ Ada daikorenɔ̀n gwe. Rueli négōgbēnɔ̀n dí: Naata,

Zera, Sama kũ Mizao. Isau nɔ Basema daikorenɔn gwe. Isau nɔ Ɖolibama nɛgɔgbɛnɔn dɨ: Yeusu, Yalamu kũ Korao.

Isau buri kɨnanɔn dɨ. Isau daudu Elifaza buri kɨnanɔn Temana, Omaa, Zefo, Kenazi, Kora, Gatamu kũ Amalekio ũ. Elifaza buri kɨnanɔ, Ada daikorenɔn gwe. Ò kú Edɔmu bɔsun. Isau nɛ Rueli buri kɨnanɔn dɨ: Naata, Zera, Sama kũ Mizao. Rueli buri kɨnanɔ, Basema daikorenɔn gwe. Ò kú Edɔmu bɔsun. Isau nɔ Ɖolibama buri kɨnanɔn dɨ: Yeusu, Yalamu kũ Korao. Ana nɛ Ɖolibama daikorenɔn gwe. Isau kũ òdi pinɛ dɔ Edɔmu nɛgɔgbɛnɔn gwe, a buri kɨnanɔn gwe.

Sei burinɔ

Sei, Ori buri kũ à kú Edɔmu bɔsun zaa káaku nɛgɔgbɛnɔn dɨ: Lotana, Sobala, Zibɛɔ, Ana, Disɔ, Eza kũ Disão. Lotana nɛgɔgbɛnɔn dɨ: Ori kũ Omamuo. Lotana dāren Timina ũ. Sobala nɛgɔgbɛnɔn dɨ: Alavã, Manaa, Ebala, Sefo kũ Onamuo. Zibɛɔ nɛgɔgbɛnɔn dɨ: Aya kũ Anao. Ana pì mé à bò ísɛboki wãnaa zaa gbárannan gɔɔ kũ àteni a de zaakinɔ dã. Ana nɛgɔgbɛn Disɔ ũ, a nɛnɔgbɛ sɔ Ɖolibama. Disɔ nɛgɔgbɛnɔn dɨ: Emedã, Esebã, Itirana kũ Keranao. Eza nɛgɔgbɛnɔn dɨ: Bilana, Zavã kũ Akanao. Disã nɛgɔgbɛnɔn dɨ: Uzu kũ Aranao. Ori buri kɨnanɔn dɨ: Lotana, Sobala, Zibɛɔ, Ana, Disɔ, Eza kũ Disão. Ori buri kɨnanɔ kũ ń buri kũ ò kú Sei bɔsunnɔn gwe.

Kína kũ ò kí blè Edɔmu bɔsun Isarailano kɨnanɔ ānɔn dɨ. Bɛɔ nɛ Bela, Dinaba gbɛ mé à kí blè Edɔmu káaku. Kũ à gà, akũ Zera nɛ Yobabu, Bɔzɔra gbɛ kí blè a gɛnɛ ũ. Kũ à gà, akũ Temana bɔsu gbɛ Usamu kí blè a gɛnɛ ũ. Kũ à gà, akũ Bedada nɛ Adada, Avi gbɛ kí blè a gɛnɛ ũ. Àkũ mé à zĩi blè Midiānɔa Mɔabunɔ bɔsun. Kũ à gà, akũ Masareka gbɛ Samala kí blè a

gẽne ũ. Kũ à gà, akũ Reobo kũ à kú Yuflati sare gbẽ Saulu kí blè a gẽne ũ. Kũ à gà, akũ Akabo né Baali Ana kí blè a gẽne ũ. Kũ à gà, akũ Pau gbẽ Adada kí blè a gẽne ũ. A nɔ tón Metabeli, Mataredi néme, Mezaba daikoreme.

Isau buri kínano tón dí kũ í bùsuno: Timina, Alava, Yete, Ɔolibama, Ela, Pino, Kenazi, Temana, Mibiza, Magadieli kũ Iramuo. Edomu kínano tón gwe wẽte kũ wẽteo bùsu kũ ò vùten. Isau kũ à de Edomuno dizi ũ burinon gwe.

Yuda kũ Tamao

Zĩ kũa Yuda bò a gbẽno kĩnaa à gèe à vùte Adulamu gbẽ kũ òdi pine Ira bea. Gwen à dàkare kũ Kanaanɔ bùsu gbẽ kũ òdi pine Sua nénɔgbẽo, akũ à a sè nɔ ũ. À nòò sì à né ì gɔ̃gbẽ ũ, akũ à tó kpàne Ɛe. À èra à nòò sì dɔ à négɔgbẽ ì, akũ à tó kpàne Ona. À èra à négɔgbẽ ì dɔ, akũ à tó kpàne Sela. Goro kũ à né pìi ì, à kú Kezibime.

Akũ Yuda nɔgbẽ kũ òdi pine Tama sè a daudu Ɛene. Ɛe kè Dikirine vāni, akũ à a dè. Akũ Yuda pì Onane: N n vīni gyaano sé n buri ke n vīnine, lākũ òdi ke nà. Kũ Ona dɔ kũ né kũ áni i kũ a vīni gyaanɔ nīgɔ de a buri ũro, tó à wùte kãao akũ à ye à a zīda e, àdi a gɔ̃gbẽ pó kótème, de àsun buri ke a vīnineroyāi. Yā kũ àten ke pìi kè Dikirine vāni, akũ à a dè dɔ. Akũ Yuda pì a né gyaano Tamane: N gé ñgɔ gyaanɔ ble n de bea ari ma né Sela zōkō kũ. Zaakũ àten da Sela ni ga lán a vīnino bàme. Akũ Tama gèe à vùte a de bea.

Kũ a goro gii kè, akũ Yuda nana gà. Kũ a nèsee kpàte, à dà zén àten gé a sākākērerino kĩnaa Timina kũ a gbēnna Irao. Akũ ò a baaruu kpà Tamane ò pì: N zā de ten gé Timina a sāno kã kēre. Akũ à a gyaanobleponɔ bò a pódangānn sè à kù a ānnwa,

akū à gèè à wùte Enaimu bīnilea Timina zén. Zaakū à è Sela zōkō kù, odi a kpáa nɔ ũro. Kū Yuda a è, akū à a dīte karua ũ kū à pó kù a ānnwa yāi. Akū à nài zé sare à pì: N tó mà wúte kūnwɔ. Adi a dō a né gyaanɔ ũro. Akū nɔgbē pìi pì: Tó n wúte kūmao, bón ĩni kpámaa? À wèa à pì: Mani ma kpàsa blène mèn do kpāzānne. Akū à pì: N tɔɔma dītemene ari ñgō gé kpāzā. Akū à a là à pì: Bó tɔɔman mani dītenne? A pì: N n sèedakebɔ kù a bàao kù gò kù ní kūnaao kpáma. Akū à kpàa à wúte kāao à nò dōagu. Akū nɔgbē pìi fùte à tà be à a pódangānn bò à a gyaanɔblepɔnɔ sè à dà. Yuda a gbēna Adulamu gbē zī kù blèneo à tɔɔma boo nɔgbē pìia. Kū à kà, adi a lero. Akū à gwedenɔ làla à pì: Karua kù à kú Enaimu zé sare la yā kú máa? Ò wèa ò pì: Karua ke kú laro fá! Akū à èra à tà à pì Yudane: Mádi a ero. Gwedenɔ pì o karua ke dō gwe yā sero. Akū Yuda pì: Àgō pó pìnɔ kūna. Óni tó gbēnɔ ó yáa dɔro. Ma n zī kù blèe pìio, nídi a lero.

Mɔ aakō gbera ò sù ò ò Yudane ò pì: N né nanɔ Tama karua kà, akū à nò sɪ a pāpākenaa pìi gūn. Yuda pì: À bo kāao ò té sōa. Kū òten bo kāao bàai, à légbāzā kè a zā dene à pì: Gbē kù à pó díkīnanɔ vī mé à nò dōmagu. N sèedakebɔ kù a bàao kù gò díkīnao gwa, tó ní a de dō. Yuda pó pìnɔ dō, akū à pì: Nɔgbē pìi yā nna demala, zaakū mádi a kpá ma né Selaaro. Yuda dí wúte kāao doro. Kū à kà né'ina, à sù à lè sikanɔ mé ò kú a gberɛ gūn. Gɔrɔ kù àten né i, ní gbē do ɔ bò, akū nɔgbē néseteri wōnɔ tēra dōa à pì: Né díkīna mé à bò káaku. Kū né pì a ɔ sùkpa, akū né plade bò, akū nɔgbē pìi pì: N bo bùime fá! Akū ò tó kpàne Perezi. Abire gbera kù a gbēndo kù ò wōnɔ tēra dō a ɔaa bò, akū ò tó kpàne Zera.